

4. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-21789/13
27. septembra 2013. godine
Sarajevo

Ministar
Muhamed Kozadra, s. r.

Na osnovu člana 14. stav 3. Zakona o izvršavanju Budžeta Kantona Sarajevo za 2013. godinu ("Službene novine Kantona Sarajevo", broj 13/13) po zahtjevu JU Muzej Alija Izetbegović, Ministar finansija donosi slijedeću

ODLUKU

O UNOSU PRIMLJENIH DONACIJA U BUDŽET KANTONA SARAJEVO ZA 2013. GODINU ZA JU MUZEJ "ALIJA IZETBEGOVIĆ"

1. Odobrava se unos sredstava (primljene donacije) u iznosu 9.500 KM u Budžet Kantona Sarajevo za 2013. godinu i to iznos od 7.000 KM od Općine Centar za pomoć u radu Muzeja, iznos od 2.000 KM od EURO ASFALT doo za finansiranje projekata planiranih u 2013. godini i iznos od 500 KM od Općine Jablanica u svrhu materijalne pomoći za troškove postavke izložbe fotografija sa prezentacijom filmova na dan Općine Jablanica 08.06.2013. godine.
2. Sredstva iz tačke 1. ove odluke evidentirat će se u razdjelu 22 - Ministarstva kulture i sporta, glava 02 potrošačka jedinica 0014 - JU Muzej "Alija Izetbegović" na ekonomskim kodovima:

613400 - Nabavka materijala	iznos 1.500 KM
613900 - Ugovorene i druge posebne usluge	iznos 4.100 KM
821300 - Nabavka opreme	iznos 3.900 KM
3. Prilikom realizacije sredstava iz tač. 1. i 2. ove odluke JU Muzej "Alija Izetbegović" je dužna primjeniti Zakon o javnim nabavkama Bosne i Hercegovine ("Službeni glasnik BiH", br. 49/04, 19/05, 50/05, 52/05, 92/05, 24/06, 70/06, 105/06, 56/07, 27/08, 12/09), te nakon realizacije aktivnosti dostaviti izvještaj (sa finansijskog i tehničkog aspekta) sa kompletnom popratnom dokumentacijom Ministarstvu kulture i sporta.
4. Ministarstvo finansija će evidentirati i proknjižiti uplaćena sredstva i izvršiti plaćanje po naredbi Ministarstva kulture i sporta u skladu sa prilivom tih sredstava u Budžet Kantona Sarajevo za 2013. godinu i Ministarstvo kulture i sporta će pratiti utrošak istih.
5. Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 08-14-25047/13
30. septembra 2013. godine
Sarajevo

Ministar
Muhamed Kozadra, s. r.

Ministarstvo za rad, socijalnu politiku, raseljena lica i izbjeglice

Na osnovu člana 13. Uredbe o subvencioniranju troškova grijanja ("Službene novine Kantona Sarajevo", br. 4/05, 7/08 i 37/13), ministar za rad, socijalnu politiku, raseljena lica i izbjeglice Kantona Sarajevo, donosi

UPUTSTVO

O REGULISANJU KUPOVINE ČVRSTOG GORIVA

Član 1.

(Predmet uputstva)

Ovim uputstvom utvrđuje se vrsta računa za kupljeno čvrsto gorivo, način dostavljanja ovog računa, dokazivanje kupovine

čvrstog goriva, obaveze korisnika subvencioniranja troškova grijanja na čvrsto gorivo, isplata novčanih sredstava, kao i uslov za dalje ostvarivanje prava na subvencioniranje troškova grijanja na čvrsto gorivo.

Član 2.
(Fiskalni račun)

- (1) Korisnik koji ostvari pravo na subvencioniranje troškova grijanja na čvrsto gorivo (u daljem tekstu: korisnik) obavezan je isplaćenim novčanim sredstvima kupiti čvrsto gorivo.
- (2) Korisniku se za kupljeno čvrsto gorivo izdaju fiskalni računi.

Član 3.
(Obaveze vezano za fiskalni račun)

- (1) Korisnik je kao dokaz da su novčana sredstva trošena u skladu sa utvrđenom namjenom, obavezan svake godine Javnoj ustanovi "Kantonalni centar za socijalni rad" (u daljem tekstu: Centar) dostaviti dobijeni fiskalni račun za kupljeno čvrsto gorivo u visini isplaćenog iznosa novčanih sredstava i to:
 - a) za mjesec januar, februar i mart tekuće godine do 30.06. tekuće godine,
 - b) za mjesec novembar i decembar tekuće godine do 31.12. tekuće godine.
- (2) Nakon što korisnik Centru dostavi fiskalni račun, Centar je obavezan original fiskalnog računa prosljediti Ministarstvu za rad, socijalnu politiku, raseljena lica i izbjeglice Kantona Sarajevo.

Član 4.
(Isplata novčanih sredstava za 2013. godinu)

- (1) U skladu sa rješenjem iz člana 4. Uredbe o izmjenama i dopunama Uredbe o subvencioniranju troškova grijanja ("Službene novine Kantona Sarajevo", broj 37/13), korisniku će se u 2013. godini isplatiti novčana sredstva za kupovinu čvrstog goriva za mjesec januar, februar, mart, novembar i decembar 2013. godine.
- (2) Kao dokaz da je novčanim sredstvima iz stava 1. ovog člana kupljeno čvrsto gorivo, korisnik je obavezan do 31.12.2013. godine dostaviti Centru fiskalni račun za kupljeno čvrsto gorivo.

Član 5.
(Gubljenje prava)

Korisnik koji ne postupi u skladu sa čl. 3. i 4. ovog uputstva, gubi pravo na subvencioniranje troškova grijanja.

Član 6.
(Rješenje)

U rješenju o ostvarivanju prava na subvencioniranje troškova grijanja na čvrsto gorivo za svakog pojedinačnog korisnika navest će se sve obaveze i rokovi vezano za dostavljanje fiskalnih računa.

Član 7.
(Stupanje na snagu uputstva)

Ovo uputstvo stupa na snagu danom donošenja, a objaviće se u "Službenim novinama Kantona Sarajevo".

Broj 13-14-27072
Septembar 2013. godine
Sarajevo

Ministar
Muamer Bandić, s. r.